

又

逍遙物外固精神絕慮忘機合至真悟取無爭為上士常懷忍辱作仙人

又

道家豁暢最相宜酷好歌歡又著迷清淨箇中真箇樂自然舞袖入雲霓

又

三髻山侗鍊大丹玉爐裏面雪漫漫悟來不騁掀髯勢故要傍人下眼看

又

道藏輯要

洞玄金玉集

六

胃集六

悟來不恥乞殘餘名利安能引我軀奉勸諸公休著有早隨馬鈺學尋無

又

速宜一志鎖心猴般運清虛金木流九轉功夫成大藥永為仙契佳瀛洲

題京兆統軍司王令史欽古堂

王公賦性常欽古堂裏閑調龍與虎日就月將得顛倒自然顯出胎仙舞

又

欽古先生容貌古悟徹離龍並坎虎歸依至理妙中玄敢與馬

風街上舞

又

欽古先生遵太古先天地真龍虎出離入坎任東西驚動姤
嬰來對舞

又

欽古先生通亘古無中營養龍和虎清清淨淨顯元初脫灑靈
童當面舞

到馬坊見小李講師看南華經

尋文討古要多知悟徹南華迷更迷不若萬緣齊擊下淨清得
一上天梯

道藏輯要

洞玄金玉集

七

胃集六

贈馬坊菴主劉先生

一心入道徹程頭二氣調勻細細收三寶至精神氣結四時攢
聚赴瀛洲

鄂縣小張索

小童問道道無言清淨能持至妙玄憑此家風常保守自然有
分做神仙

鄂縣小王索

小童聽屬養靈童自有因緣繼馬風清淨無為須悟徹自然雲
步到蓬宮

贈慶真徐清神